

Gvangjsih Minzcuz Bau

Cawjguenj: Gvangsih Bouxcuengh Swcigih Minzcuz Cunghgyau Swvu Veijyenzei

Cawjbanh: Gvangsih Minzcuz Bause

Geiz neix 8 banj

广西民族报

Aenhauh okbanj: CN45-0036

B.2024

Nd.12 Ng.11

Liggaeuq gyapsaenz nienz ndwen'it cib'it Geizsoq: Gungh daih 3649 geiz

Siz Ginbingz Dungzci 《Lwnh Dingjmaenh Caeuq Guhndei Aen Cidu Yinzminz Daibyaui Davei》 Okbanj Fathengz

Sinhvazse Baekging 12 nyied 8 hauh dien Siz Ginbingz dungzci 《Lwnh Dingjmaenh Caeuq Guhndei Aen Cidu Yinzminz Daibyaui Davei》 Cunghung Cunghyangh Dangjsij Caeuq Vwnzyen Yenzgiuyen bien haenx, mboengqneix youz Cunghyangh Vwnzyen Cuzbanjse okbanj, youq daengx guek fathengz.

Bouh saw neix, souaeu 37 bien faenzcieng youqgaenj gvendaengz dingjmaenh caeuq guhndei aen cidu yinzminz daibyaui davei Siz Ginbingz dungzci, ndawde miz mbangj faenzcieng dwg baez nduj goenghai fatbiuj.

Aen cidu yinzminz daibyaui davei dwg aen cwngci cidu gaenbonj guek raeuz, dwg aen cwngci cidu moq daj ndaw diegnamh Cungguk sengmaj okdaeuj, dwg gij cauhyung hungmbwk gwnz lizsij cwngci cidu vunzloih. Cibbet Daih Dangj doxdaeuj, Dangjuncunghyangh aeu Siz Ginbingz dungzci guh goek de laebdin gij lizsij fueng'vih moq, cienzmienh gyagiengz dangj lingjdauj hong yinzda, haenqrengz hwnghat daengx aen gocwngz bouxminz minzcuj, gaenxmaenx doicaenh aen dijhi ceihleix guekgya caeuq gij naengzlig ceihleix yendaiva, lai laebndei aen

dijhi cidu bouxboux danggya guhcawj, gaen hwnj seizdaih coihgaij fapguek, hai Aen Hoih Hong Yinzda Cunghyangh gwnz lizsij dangj baez nduj, laebcaez aen cidu yinzda cujciz caeuq aen cidu guhhong, hawj hong yinzda aeundaer cingzeik doenghbaez caengz miz gvaq. Siz Ginbingz dungzci daj gizensang canloz dingjmaenh caeuq guhndei dangj lingjdauj, gyamaenh aen cidu sevei cujyi miz daegsaek Cungguk haidin, dingjmaenh aeu Majgwzswu cujyi gihbwnj yenzlij caeuq Cungguk saedsaek dox giethab, caeuq gij vwnzva ciuhgeq maenhndei Cunghvaz dox giethab,

gaemdawz ndei sevei cujyi minzcuj cwngci hwnghat gvilwd, cunggez caezcieng gij gingniemh saedguh dangj gyagiengz sevei cujyi minzcuj cwngci gensez, laebdaeb doinyoengx aen cidu yinzminz daibyaui davei lijun caeuq saedguh cauymoq, daezok baenzroix leixniemh moq ngeixnaemj moq iugouz moq, guhbaenz le gij ngeixnaemj youqgaenj Siz Ginbingz cungsuhi gvendaengz dingjmaenh caeuq guhndei aen cidu yinzminz daibyaui davei, vih seizdaih moq roenloh moq dingj ndei, guh ndei, hengz ndei aen cidu yinzminz daibyaui davei gunghawj le gaenbonj ciuqei.



Ginhxiu: Seizciet Daihsiet Nyaengq Sou Mak

Geij ngoenz neix cingq dwg seizciet daihsiet, Ginhxiu Yauzcuz Swciyen 20 lai fanh moux makgam laebdaeb baenz lo, gyoengq boux ndaem mak cingq nyaengq sou mak bae gai. Geij bi neix daeuj, aen yienh neix yungh ndei dieg bya, ciuq dieg bae haenqrengz guh ndei dajndaem, hawj vunzlai lai miz ngaenz roengz daeh. Ndaw doz dwg boux ndaem mak cingq cang mak haeuj sieng.

(Gauh Yuzginh ingi)

Densigi 《Dahlwg Byahung》 Ndae Ciengj “Gunghcwngz Haj Aen It” Cunghsenhbu

Mboengqneix, Cunghung Cunghyangh Senhconzbu yaenqfat byaujcangh gietdingh, byaujcangh aen danhvei senhcin guhhong cujciz caeuq cozbij maenhndei gaiq daihcibcaet cingsaenz vwnzmingz gensez “gunghcwngz haj aen it”. Densigi 《Dahlwg Byahung》 ndaej “ciengj cozbij maenhndei”, bouh benq neix dwg Swcigih Dangjvej Senhconzbu, Cezgyangh Swngjvej Senhconzbu daengj danhvei doxcaez ok.

Gaiq “gunghcwngz haj aen it” neix cujyau bingzsenj byaujcangh gij cozbij maenhndei 2022 nienz 6 nyied 1 hauh daengz 2024 nienz 5 nyied 31 hauh baez nduj boqok, yienj, daeng, okbanj, fatbiuj. 《Ciz Bwzsiz》 daengj

15 bouh heiq, 《Deihgiuz Liuzlangh 2》 daengj 12 bouh denyengj, 《Cam Canghmangz》 daengj 16 bouh densigi, 《Cin Hah Cou Doeng Dauz Sanhyenz》 daengj 10 bouh faenzcieng gwnz muengx, 《Aen Loq Laj Gohaeux Yietliengz》 daengj 10 bouh heiq gvangjbo, 《Denhsanh Cuengqgo》 daengj 12 diuz go, 《Siz Ginbingz Byaijhaej Ranz Beksingq》 daengj 15 bouh saw caeuq 《Gij Ginghci Swh-siengj Siz Ginbingz Youq Fuzgen Raekciengx Caeuq Saedguh》 daengj 15 bien faenzcieng lijun, gungh 105 bouh cozbij ndaej “ciengj cozbij maenhndei”.

Densigi 《Dahlwg Byahung》 aen yiengh de dwg Vangz Vwnzsiu boux

ndaej “caet it yinhcangh”, daengx guek gungcanjdangyenz maenhndei, “buengjiyengh seizdaih”, daengx guek vutgungz gunggeng buengjiyengh, lwnghangj gij gojgaeq Vangz Vwnzsiu yenzgiuswngb bizyez le, mbouj bae hawsingz hung guhhong, giengiet dauq daengz ranzmbanj Bwzswz, gag naeuz yaek bae lajmbanj guhhong bangfuz, danqhaenh dangyenz bouxcoz daih-neix aeu Vangz Vwnzsiu guh daibyaui de yungh gij nienzgeij hauxseng lwnghangj diuzrap simnduj vunz gungcanjdangj, raiz gij gojgaeq diuz go hauxseng seizdaih moq.

Bouh densigi neix youq 2022 nienz mboengq “caet it” youq Yanghsi dauq nduj, dauq bet duenhseiz 19:30

daengz 21:50 boqok, youq daengx guek duenhseiz neix densigi buengj souyawj daih'it mingz. Bouh densigi neix boqok le, 《Yinzminz Yizbau》 《Gvanghmingz Yizbau》 daengj 50 lai aen cunghyangh caeuq swcigih cujliz meizdij bauqlwnh haenhndei, senj-haeuj Cunghsenhbu, Guekgya Gvangjbo Densi Cunggiz “danqhaenh seizdaih moq, buekguh roenloh moq” heiqmoeg canjbo densigi maenhndei, caemhcai gonqlaeng ndaej gaiq daih 18 Cungh Meij densicez • Cunghvaz vwnzva cienzboqligciengj, 2023 nienz CMG gaiq nduj Cungguk densigi nienzdoz swngdenj • nienzdoz densigi maenhndei daengj ciengj.

(Sunh Bungzyenj)